

Akilerartarnermi nalikilliliinerit il.il. pillugit Namminersornerullutik Oqartussat nalunaarutaat nr. 30, 1. december 2006-imeersoq

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, § 24, imm. 1, nr. 1 naapertorlugu makku aalajangersarneqarput:

Kapitali 1

Pigisat nalikillilersorneqarsinnaasut

§ 1. Nalunaarut manna makkununga atuuppoq:

- 1) Maskiinat, pequtit ingerlatsinermullu atortut assigisaat inuussutissarsiornermi atorneqartut, matumani ilanngullugit pigisat tunisassiornermi atortut, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlernermi iluaqutiginninni- arnermiluunniit atorneqartut.
- 2) Umiarsuit timmisartullu inuussutissarsiornermi atorneqartut.
- 3) Illuutit inuussutissarsiornermi atorneqartut atortullu ikkussorneqarsimasut illuummuinnaq atorneqartut kiisalu assaanerit, aqquserngit, illut illoqqasut akorni, biilit uninngasarfii, ungaluukkat assigisaallu illuummi inuussutissarsiornermi atorneqartumiittut tassungaluunniit attuumassuteqartut illuutillu ingerlanneranut atorneqartut.
- 4) Init inuussutissarsiornermi atugassatut attartorneqarsimasut sanaqqinnerini aningaasartuutit.
- 5) Pigisap pioreersup pitsaaqutaata (goodwill) pissarsiarineqarnerani nalinga.
- 6) Aalisagartassanut akuersissutit pissarsiarineqarneranni nalingat.
- 7) Piffissami killilimmi pisinnaatitaaffiit, soorlu kisermaassilluni piginnittussaaneq, atuakkiortutut eqqumiitsuliortutullu piginnittussaaffiit aammalu ilisserutinut nioqputissalluunniit ilisarnaataannik piginnittussaanerit.
- 8) Atortunik, inuussutissarsiorluni ingerlatamut illuummulluunniit pingaaruteqartunik ikkus- suineri aningaasartuutit.

Imm. 2. Naalackersuisut akuersissuteqarsinnaapput, aallartisarnermut, misileraanermut ilisi- matusarnermullu, pisariillisaanermut, illuliorfissap iluarsartuunneranut assigisaannullu ani- ngaasartuutit aningaasarsiaqarniarnermut pingaaruteqartut aningaasarsianit akileraa- ruteqaataasussanit ilanngaatigineqarnissaannut.

Imm. 3. Illuutit inummit pigineqartut inissiatullu attartortinneqartut, kiisalu maskiinat, pequ- tit assigisaallu, taakkua ingerlannerannut atortut nalunaarummi maleruagassiani aatsaat ilaa- tinneqassapput piginnittup suliffeqarfiutaani sulisunut attartortitsineruppat. Illuut piginnittu- mit inigineqarpat tamanna sulisumut attartortitsinertut isigineqassanngilaq.

Imm. 4. Sommerhus-it inummit pigineqartut, kiisalu maskiinat, pequtit assigisaallu, taakkua ingerlannerannut atortut nalunaarummi matumani maleruagassiani ilaatinneqanngillat.

Imm. 5. Pigisat aalaakkaasut, aningaasarsianit akileraarutit pillugit Inatsisartut inatsisaanni § 15, imm. 4-imi aalajangersakkani pineqartut nalunaarummi matumani maleruagassiani ilaatin- neqanngillat. Immikkut ittunik pissutissaqartillugu Naalackersuisut, nalunaarummi matumani maleruagassiat naapertorlugit pigisat aalaakkaasut, oqaaseqatigiinni siullerni taaneqartut nali- killilerneqarnissaannut akuersissuteqarsinnaapput.

Kapitali 2

Aalajangersakkat nalinginnaasut

§ 2. Ingerlatsinermut atortut, umiarsuit aamma timmisartut pissarsiarineqartutut isigineqas- sapput ingerlatsinermut atortoq, umiarsuaq timmisartorluunniit;

- 1) suliffeqarfimmuut ingerlanneqareersumut tunniunneqarpat,

- 2) suliffeqarfiup ingerlanneqarnerani atorneqartussatut siunniunneqarsimappat, aamma
- 3) ingerlatsinermi atorneqariaannangorlugu naammassineqarsimappat.

§ 3. Illuut imaluunniit atortoq ikkussorneqarsimasoq il.il. ukiumi aningaasarsiorfiusumi, il-luutip imaluunniit atortup ikkussorneqarsimasup il.il. pisiarineqarfiani imaluunniit sananeqar-fiani, inuussutissarsiornermilu atorneqarfiani pissarsiarineqartutut isigineqassaaq. Sanaqqi-nermi pitsanngorsaaneramilu aningaasartuutit ukiumi aningaasarsiorfiusumi aningaasartuutigi-neqarfimminniit, aammalu sanaqqiinerup pitsanngorsaanerulluunniit inuussutissarsiornermut atorneqalerfianiit nalikillilerneqarsinnaapput.

§ 4. Pigisamik pitsanngorsaanermit sanaqqiinernullu aningaasartuutit pigisap pissarsiarine-qarnermini nalingatut isigineqassapput.

Imm. 2. Pitsanngorsaanermit aningaasartuutit taamaallaat isigineqassapput aningaasartuutit pigisap pisiarineqarnerminit pitsaanerulernissaanut atukkat.

Imm. 3. Pigisap ajoqusersimappat pitsanngorsaanermit aningaasartuutit taamaallaat isigineqassapput aningaasartuutit pigisap ajoqusinginnerminit pitsaanerulernissaanut atuk-kat.

§ 5. Pigisamik ajoqusersimasumik iluarsaanermit aningaasartuutit ukiumi aningaasarsior-fiusumi iluarsaanneqarfiani aningaasarsianit akileraaruteqaataasussanit ilanngaatigineqassap-put.

Imm. 2. Ajoqusernerli sillimmasiinermit imaluunniit taarsiiffigisaanermit aningaasanik tun-niussinermit nassataqarpat, ilanngaatigineqarsinnaasoq taamaallaat tassaavoq iluarsaanermit aningaasartuutit sillimmasiinermit taarsiiffigineqarnermilluunniit aningaasanit tunniussanit amerlaneruppata taakkua nikingassutaat. Sillimmasiinermit imaluunniit taarsiiffigineqarner-mit aningaasat tunniunneqartut iluarsaanermit aningaasartuutit amerlaneruppata, aningaasat amerlanerussutaasut ukiumi aningaasarsiorfimmi tunniunneqarfianni aningaasarsiat akileraa-ruteqaataasussat naatsorsorneranni ilanngunneqassapput.

Imm. 3. Iluarsaanermit aningaasartuutit isigineqassapput aningaasartuutit pigisap ajoqusin-ginnermini ileqqatut iluarsaanermit atukkat.

§ 6. Pigisat kingornussinikkut, agguaanertaqanngitsumik ataatsimut pigisat aappaarisap to-qunerani pigiinngassanngortinnerisigut, pisortanit suliarineqanngitsumik aappaasumut sivi-sunerusumik inuusumut pisassanngortinnerisigut imaluunniit aappariit pigisaminnik agguaa-nerisigut pissarsiarineqarsimappata, taava pigisat nalunaarummi matumani aalajangersakkat tunngavigalugit kingornussisutut pissarsisumit aappaasumilluunniit pissarsisumit, toqusima-sumit aappaasumilluunniit piffissani pissarsiarineqarfiini pissarsiarineqarnerinilu nalingisut nalilerlugit pissarsiarineqartutut isigineqassapput, nalikilliliissutaasimasinnaasullu pissarsisu-mit nalikillilerneqarsimasutut isigineqassallutik.

§ 7. Pigisat tunissutit kingornussarsiasanilluunniit siumoornikkut pissarsiarineqarsimappata, piffissami pissarsiarineqarfianni tunineqassasuugunik nalingat pissarsiarineqarneranni nalingattut isigineqassaaq. Pigisat tunissutit kingornussarsiasatulluunniit siumoortitsinik-kut tunniunneqartut, piffissami tunniunneqarfianni tunineqassasuugunik nalingat tunin-eqarneranni nalingattut isigineqassaaq.

§ 8. Pigisanik privatiinnavimmik atorneqaraluartunik tamakkiisumik ilaannakuusumilluun-niit inuussutissarsiornermit atuilernerq kiisalu pigisanik nunanit allanit imaluunniit Danmark-i mit Savalimmiunillu suliffeqarfimmut Kalaallit Nunaanni akileraartussaataasumut nuussineq-pisinertut isigineqassaaq. Pissarsiarineqarneranni nalingattut isigineqassaaq piffissami atui-

nermik allangortitsiffimmi/nuussiffimmi tunineqassasuugunik nalingat.

Imm. 2. Pigisanik tamakkiisumik ilaannakuusumilluunniit inuussutissarsiornermut atorneqaraluartunik privatiinnavimmik atuilerneq kiisalu pigisanik suliffeqarfimmit Kalaallit Nunaanni akileraartussaataasumit nunanut allanut imaluunniit Danmarkimut Savalimmiunullu nuussineq tunisinertut isigineqassaaq. Tunisinermi nalingattut isigineqassaaq piffissami atuinermik allangortitsiffimmi/nuussiffimmi tunineqassasuugunik nalingat.

Imm. 3. Pigisanik inuussutissarsiornermut tamakkiisumik atorneqartunik inuussutissarsiornermut ilaannakuusumik atuilerneq, taassumaluunniit paarlattua tunisinertut pisinertullu isigineqassaaq. Tunisinermi pissarsiarineqarnerannilu nalingattut isigineqassaaq piffissami atuinermik allangortitsiffimmi tunineqassasuugunik nalingat.

Imm. 4. Pigisat Kalaallit Nunaata avataani inuussutissarsiornermut atorneqartut, kingusinnerpaamik piffissami tamakkiisumik akileraartussaataanerup kipinerani tunineqartut isigineqassapput. Tunisinermi nalingattut isigineqassaaq piffissami tassani tunineqassasuugunik nalingat. Aalajangersagarli manna naapertorlugu iluanaarutit nalikilliliissutaasimasunit annerusinnaangillat.

§ 9. Illuutit il.il. § 1, imm. 3-mi aamma § 22, imm. 1-imi taaneqartut inuussutissarsiuugalugu suliffeqarfimmik piginnittumit sulisorineqanngitsunut attartortinneqarnerminniit sulisuusunut tamakkiisumik ilaannakuusumilluunniit attartortinneqalerpata tamanna pisinertut isigineqassaaq. Pissarsiarineqarneranni nalingattut isigineqassaaq piffissami atuinermik allangortitsiffimmi tunineqassasuugunik nalingat.

Imm. 2. Illuutit § 1, imm. 3-mi aamma § 22, imm. 1-imi taaneqartut inuussutissarsiuugalugu suliffeqarfimmik piginnittup sulisuinut tamakkiisumik ilaannakuusumilluunniit attartortinneqarnerminniit sulisuunngitsuinnarnut attartortinneqalerpata, piffissallu qaammatinik tallimanik sivisussusillip iluani illuutit inuussutissarsiuugalugu suliffeqarfimmik piginnittup sulisuinut tamakkiisumik ilaannakuusumilluunniit attartortinneqarqilinnigippata tamanna tunisinertut isigineqassaaq. Tunisinermi nalingattut isigineqassaaq piffissami atuinermik allangortitsiffimmi tunineqassasuugunik nalingat.

§ 10. Pigisat atorsinnaajunnaarluni aserorpat tamanna tunisinertut isigineqassaaq. Tunisinermi nalingattut isigineqassaaq aserornerani sillimmasiinermit imaluunniit taarsiiffigisaanik-kut aningaasat tunniunneqarsimasinnaasut annertoqataat.

§ 11. Pigisat naalagaaffiup piumasaa malillugu pinngitsoorani naalagaaffimmut kommuunimulluunniit tunniussinissaq (taartisiaqarluni) taarsiiffiginninnertalimmik pinngitsaaliinikkut arsaarinnissutigippatigit taarsiiffiginnissutit tunisinermi nalingattut isigineqassapput.

§ 12. Pigisat tunineqarpat imaluunniit naalagaaffiup piumasaa malillugu pinngitsoorani naalagaaffimmut kommuunimulluunniit tunniussinissaq taarsiiffiginninnertalimmik pinngitsaaliinikkut arsaarinnissutigippassuk, imaluunniit atorsinnaajunnaarluni aserorpat Naalakkersuisut akuersissutigisinnaavaat, iluanaarutit akileraaruteqaataasussat ukiumi tunineqarfiani/pigiunnaarneqarfiani aningaasarsianut akileraaruteqaataasussanut ilanngunneqannginnissaat, tassungali taarsiullugu ukiumi aningaasarsiorfiusumi tulliuttumi pigisat assingusup pissarsiarineqarnerani nalinganit ilanngaatineqarnissaat.

Imm. 2. Akuersissuteqarnissamut ilaatigut tunngaviussaaq ukiup pigisamik tunisifiup/piginnikkunnaarfiup tulliani, ukiup aningaasarsiorfiusup naannginnerani tassunga assingusumik pissarsisoqarnissaa, kiisalu iluanaarutit akileraaruteqaataasussat tamarmiusut pigisat nalinganit nalikillilerneqarsinnaasumit ilanngaatineqarsinnaanissaat. Naalakkersuisut, oqaaseqatigiinni siullerni killissaritinneqartoq sivitsorsinnaavaat.

Imm. 3. Aalajangersakkamik matumangga atuinissamut qinnuteqaat kingusinnerpaamik tun-

niunneqassaaq ukiumi tunisiffiusumi/piginnikkunnaarfimmi nammineerluni nalunaarsuiffim-
mik tunniussinissamut killissarititap naanerani.

Imm. 4. Piffissarititaasup imm. 2-mi aalajangersarneqartup naannginnerani pigisamut assi-
ngusumik pisaartoqanngippat, imaluunniit iluanaarutit akileraaruteqaataasussat ukiumi pissar-
siffiusumi pigisap nalikillilerneqarsinnaasup nalinganit ilanngaatigineqanngippata, iluanaaru-
tit ukiumi tunisiffiusumi/piginnikkunnaarfimmi aningaasarsianut akileraaruteqaataasussanut
ilanngunneqassapput.

§ 13. Pigisamik qularnaveeqqusiinikkut taarsigassarsianut aningaasartuutit, tamatumani
ilaallutik pappiaraatit nalikillineri, pissarsiarineqarnerani nalinganut pitsanngorsarnerani-
luunniit aningaasartuutitut naatsorsuunneqarsinnaanngillat, Naalakkersuisut akuersissute-
qarsimanngippata.

Imm. 2. Pissarsiarineqarnerani nalingata naatsorsornerani erhvervsstøtte pillugu Inatsisartut
peqqussutaat aammalu takornariartitsinermik inuussutissarsiuteqarnermut aningaasalersuinik-
kut tapersiisarneq pillugu Inatsisartut inatsisaat naapertorlugit taarsigassarsiat erniaqaratillu
taarsersugassaanngitsut ilanngunneqassanngillat. Taarsigassarsiat akileqquneqarpata pissar-
siarinerani nalinga taakkunanga qaffanneqassaaq.

§ 14. Nalikilliliissutaasimasut appartinneqassappata § 16 imaluunniit § 26, imm. 1 aamma 5
naapertorlugit, appaanissap qanoq pinissaa akileraartussaataasup nammineerluni aalajangis-
savaa.

Imm. 2. Imm. 1-imi periarfissiissutigineqartumik atuinissaq akileraartussaataasup kissaati-
ginngippagu, pigisanut tamanut nalikilliliissutigineqarsimasut agguataarinikkut appartin-
neqassapput.

Imm. 3. Aningaasarsiat akileraaruteqaataasussat qaffanniarneqarnerannik nalunaarfigineqar-
nermiit ullut 14-it qaangiutsinnagit akileraartussaataasup oqartussaasunut akileraarusiisussa-
nut allakkatigut qinnutigisinnaavaa, § 16 imaluunniit § 26, imm. 1 aamma 5 naapertorlugit
nalikilliliinerujumalluni. Nalikilliliinerussutigiumasat naatsorsorneqarfiat kiisalu taakku pigi-
sanut nalikillilerneqarsinnaasunut agguataarneqarfiat qinnuteqarnermi ilanngunneqassapput.

Imm. 4. Qaffaassutaasup ilaata akileraartussaataasumik akisussaatsinermik nalilerneqar-
tup akuerineqarnissaa qinnuteqarnermi naatsorsuutigineqarsinnaanngilaq.

§ 15. Pigisat nalunaarummi matumani pineqartut nalikillilerneqareersimallutik nalingi, pigi-
sat naatsorsorneranni naliliunneqassapput.

Kapitali 3

Inuit

§ 16. Immikkoortumi matumani maleruagassiat naapertorlugit inuit akileraarutitigut nalikil-
liliissutigisinnaasaasa annerpaaffissaat tassaavoq ukiumi aningaasarsiorfiusumi namminersor-
luni inuussutissarsiutigalugu suliffeqarfimmik ingerlatsinikkut isertitat annertoqataat.

Pigisat inuussutissarsiornerinnarmi atorneqartut

§ 17. Pigisat nalikillilerneqarsinnaasut inuussutissarsiornerinnarmi atorneqartut pissarsiar-
neqarneranni nalingi tamakkerlugit inuit aningaasarsiaminnit akileraaruteqaataasussanit ilan-
ngaatigisinnaavaat, takuulli § 16.

Imm. 2. Peqatigiinni assigiinngitsunik akisussaassuseqartunik ilaasortalinni peqataasunut
(kommanditistinut) atuuppoq, pissarsiarineqarneranni nalingi aatsaat ilanngaatigineqarsin-
naallutik, ilanngaat ukiumi pineqartumi ingerlatsinermi amigartoorutaasimasinnaasunik ilan-

ngaareernikkut peqataasup (kommanditistip) ilanngaatisatut kontuani sinneruttunit matussu-serneqarsinnaappat.

Imm. 3. Pissarsiarineqarneranni nalingi ukiumi pissarsiarineqarfianni tamakkiisumik ilanngaatigineqanngippata, taava pissarsiarineqarneranni nalingisa ilaat nalikillilerneqarsimannngitsut ukiumi tullermi kingusinnerusumiluunniit ilanngaatigineqarsinnaapput.

§ 18. Pigisaq nalikilliliissutigineqarsinnaasoq tunineqarpat, ukiumi tunineqarfiani nalikilliliineq pisinnaanngilaq.

Imm. 2. Pigisaq pissarsiarineqarnerani nalingata ilaanit nalikillilerneqarsimannngitsumit qaf-fasinnerusumik akilersillugu tunineqarpat, iluanaarutit ukiumi tunineqarfiani aningaasarsianut akileraaruteqaataasussanut ilanngunneqassapput.

Imm. 3. Pigisaq pissarsiarineqarnerani nalingata ilaanit nalikillilerneqarsimannngitsumit minnerusumik akilersillugu tunineqarpat, ajunaarutit ukiumi tunineqarfiani aningaasarsianit akileraaruteqaataasussanit ilanngaatigineqarsinnaapput.

Imm. 4. Tamakkiisumik nalikilliliisoqariannngitsaq illuut isaterneqarpat, nalinga suli nalikilliliissutaasimannngitsaq, isaternerlukut il.il. tunineqassappata akiannik ilanngarlugu ukiumi isaterneqarfiani aningaasarsianit akileraaruteqaataasussanit ilanngaatigineqarsinnaavoq.

Pigisat inuussutissarsiornermi privatimillu atorneqartut

§ 19. Pigisat nalikillilerneqarsinnaasut inuussutissarsiornermi privatimillu atorneqartut pissarsiarineqarneranni nalingi, ingerlatsinerme atortup inuussutissarsiornermi atorneqarnerata tamarmiusumillu atorneqarnerata imminnut nikinganerannut naleqquttumik, ukiumi pissarsiarineqarfianni aningaasarsianit akileraaruteqaataasussanit ilanngaatigineqarsinnaapput, takuulli § 16.

Imm. 2. Pissarsiarineqarneranni nalingisa ilaat, inuussutissarsiornermi atorneqarnerannut naapertuuttut ukiumi pissarsiarineqarfianni tamakkiisumik ilanngaatigineqanngippata, taava taakkua ilaat nalikillilerneqarsimannngitsut ukiumi tullermi kingusinnerusumiluunniit ilanngaatigineqarsinnaapput. Katillugit nalikillilerneqarsinnaasut tassatuaapput pissarsiarineqarneranni nalingisa ilaat, ingerlatsinerme atortup ukiumi nalikilliliiffiusumi inuussutissarsiornermi atorneqarnerata tamarmiusumillu atorneqarnerata imminnut nikinganerannut naleqquttut.

Imm. 3. Ukiumi aningaasarsiorfiusumi pineqartumi tamarmiusumik atorneqarnerisa minnerpaamik affaat inuussutissarsiornermi atorneqarpat nalikilliliineq aatsaat pisinnaavoq.

§ 20. Illuutit atortullu ikkussorneqarsimasut il.il. inuussutissarsiornermi privatimillu atorneqartut pissarsiarineqarneranni nalingi, illuutip naqqata annertussusiata inuussutissarsiornermi atorneqarnerata illuutillu tamarmiusumik atorneqarnerata imminnut nikinganerannut naleqquttumik, ukiumi pissarsiarineqarfianni aningaasarsianit akileraaruteqaataasussanit ilanngaatigineqarsinnaapput.

Imm. 2. Pissarsiarineqarneranni nalingisa ilaat, inuussutissarsiornermi atorneqarnerannut naapertuuttut ukiumi pissarsiarineqarfianni tamakkiisumik ilanngaatigineqanngippata, taava taakkua ilaat nalikillilerneqarsimannngitsut ukiumi tullermi kingusinnerusumiluunniit ilanngaatigineqarsinnaapput. Illuutip atorneqarnera, illuutip naqqata annertussusiata inuussutissarsiornermi atorneqartup annertusineranik kinguneqartumik allannguuteqarpat, nalikilliliineq taassuma annertoqataanik qaffanneqarsinnaavoq.

Imm. 3. Illuutip ukiumi aningaasarsiorfiusumi pineqartumi tamarmiusumik atorneqarnerata minnerpaamik affaa inuussutissarsiornermi atorneqarpat imaluunniit illuutip naqqata inuussutissarsiornermi atorneqartup annertussusia minnerpaamik 100 kvm-iuppat nalikilliliineq aatsaat pisinnaavoq.

§ 21. Pigisaq § 19-imi imaluunniit § 20-mi taaneqartoq tunineqarpat ukiumi tunineqarfiani nalikilliliineq pisinnaangilaq. Iluanaarutit naatsorsorneqartut tassaassapput, tunineqarnerani nalingata aamma ukiup tunineqarfiata aallartinnerani nalingata nalikillilerneqanngitsup, ukiumi tunineqarfiani pitsanngorsaataasimasinnaasunik ilaneqartup assigiinngissutaat. Tunineqarnerani nalingata pissarsiarineqarnerani nalinganit qaffasinneruneratigut iluanaarutit, pigisap pigineqarnerani ukiumi aningaasarsiorfiusumi sumiluunniit inuussutissarsiornermi atorneqarnerata procentinngorlugu annerpaap annertoqataattut ukiumi tunineqarfiani aningaasarsianut akileraaruteqaataasussanut ilanngunneqassapput.

Imm. 2. Pigisaq pissarsiarineqarnerani nalingata ilaanit nalikillilerneqarsimanngitsumit minnerusumik akilersillugu tunineqarpat, ajunaarutit ukiumi tunineqarfiani aningaasarsianit akileraaruteqaataasussanit ilanngaatigineqarsinnaapput. Taamaattorli ilanngaatip nalikilliliissutaareersullu katillutik, § 19 aamma § 20 naapertorlugit nalikilliliissutaasinnaasimagaluartut sinnersinnaangilaat.

Imm. 3. Tamakkiisumik nalikilliliisoqarianngitsoq illuut isaterneqarpat, nalinga suli nalikilliliissutaasimanngitsoq, isaternerlukut il.il. tunineqassappata akiannik ilanngarlugu ukiumi isaterneqarfiani aningaasarsianit akileraaruteqaataasussanit ilanngaatigineqarsinnaavoq. Taamatuttaaq atuutissaaq imm. 2-mi oqaaseqatigiit aappaanni aalajangersagaq.

Illuutit inissiat sulisunut sulisuunngitsunullu attartortinneqartut

§ 22. Illuutit atortullu ikkussorneqarsimasut il.il. sulisunut sulisuunngitsunullu inissiatut attartortinneqartut pissarsiarineqarneranni nalingi, illuutip ilaata piginnittut ataasiakkaat sulisunut attartortinneqartup aamma illuutip naqqata annertussusiata tamarmiusup piginnittumit pigineqartup imminnut nikinganerannut naleqquttut, ukiumi pissarsiarineqarfianni aningaasarsianit akileraaruteqaataasussanit ilanngaatigineqarsinnaapput, takuulli § 16.

Imm. 2. Pissarsiarineqarnerani nalingata ilaa, illuutip tamarmiusup ilaata piginnittut ataasiakkaat sulisuinut attartortinneqartup aamma illuutip naqqata annertussusiata tamarmiusup piginnittumit pigineqartup imminnut nikinganerannut naleqquttoq, ukiumi pissarsiarineqarfiani tamakkiisumik ilanngaatigineqanngippat, taava taassuma ilaa nalikillilerneqarsimanngitsoq ukiumi tullermi kingusinnerusumiluunniit ilanngaatigineqarsinnaavoq.

Imm. 3. Ukiumi aningaasarsiorfiusumi pineqartumi piginnittut ataasiakkaat illuutaata naqqata annertussusiata tamarmiusup minnerpaamik affaa piginnittut ataasiakkaat sulisuinut attartortinneqarsimappat nalikilliliineq aatsaat pisinnaavoq.

§ 23. § 1, imm. 3-mi maleruagassiaq apeqqutaatinnagu, illuutit sulisunut sulisuunngitsunullu attartortinneqartut taamaallaat ukiumi aningaasarsiorfiusumi pineqartumi nalikillilerneqarsinnaapput, piginnittup pigisaata minnerpaamik affaa ukiup aningaasarsiorfiusup ingerlanera tamaat piginnittup sulisuinut attartortinneqarsimappat. Taamaassimappat taassuma annertussusianut naleqquttumik nalikilliliisoqarsinnaavoq.

§ 24. Illuut sulisunut sulisuunngitsunullu attartortinneqartoq tunineqarpat ukiumi tunineqarfiani nalikilliliineq pisinnaangilaq. Iluanaarutit naatsorsorneqartut tassaassapput, tunineqarnerani nalingata aamma ukiup tunineqarfiata aallartinnerani nalingata nalikillilerneqanngitsup, ukiumi tunineqarfiani pitsanngorsaataasimasinnaasunik ilaneqartup assigiinngissutaat. Tunineqarnerani nalingata pissarsiarineqarnerani nalinganit qaffasinneruneratigut iluanaarutit, illuutip pigineqarnerani ukiumi aningaasarsiorfiusumi sumiluunniit sulisunut attartortinneqarnerata procentinngorlugu annerpaap annertoqataatut ukiumi tunineqarfiani aningaasarsianut akileraaruteqaataasussanut ilanngunneqassapput.

Imm. 2. Illuutip pissarsiarineqarnerani nalingata ilaanit nalikillilerneqarsimanngitsumit min-

nerusumik akilersillugu tunineqarpat, ajunaarutit ukiumi tunineqarfiani aningaasarsianit akileraaruteqaataasussanit ilanngaatigineqarsinnaapput. Taamaattorli ilanngaatip nalikilliliissutaareersullu katillutik, § 22-mi aamma § 23-mi maleruagassat naapertorlugit nalikilliliissutaasinnaasimagaluartut sinnersinnaangilaat.

Imm. 3. Tamakkiisumik nalikilliliisoqariangitsoq illuut isaterneqarpat, nalinga suli nalikilliliissutaasimangitsoq, isaternerlukut il.il. tunineqassappata akiannik ilanngarlugu ukiumi isaterneqarfiani aningaasarsianit akileraaruteqaataasussanit ilanngaatigineqarsinnaavoq. Taamatuttaaq atuutissaaq imm. 2-mi oqaaseqatigiit aappaanni aalajangersagaq.

Paasissutissiisussaatitaaneq

§ 25. Nammineerluni nalunaarsuiffimmik tunniussinermut atatillugu akileraartussaatitaasup pigisat nalikillilerneqarsinnaasut pissarsiarineqarneranni nalingi piffissallu pissarsiarineqarfii, taakku inuussutissarsiornermi atorneqarnerisa annertussusiat kiisalu pigisat ukiumi aningaasarsiorfiusumi tunineqartut tunineqarneranni nalingi paasissutissiisutigissavai. Pigisanut pissarsiarineqarneranni 50.000 kr.-nit taakkualuunniit inorlugit nalilinnut aammalu inuussutissarsiornerinnarmi atorneqartunut taamaallaat paasissutissiisutigineqartussat tassaapput pigisat taakkua pissarsiarineqarneranni nalingi tamarmiusut. Paasissutissat Akileraartarnermi Pisorqarfiup ilusilersugaanut allattorlugit nalunaarneqassapput.

Kapitali 4

Selskabit il.il.

§ 26. Selskabit il.il., pigisanut § 1 naapertorlugu nalikillilerneqarsinnaasunut akileraarutitigut nalikilliliissutigisinnaasaat annerpaaq tassaavoq, imm. 2 naapertorlugu nalikilliliissutigineqarsinnaasut katillutik annertussusiat, selskabip akileraarutissat ilanngaatigitinnagit sinneqartoorutaasa akileraaruteqaataasussat, taamaattorli imm. 2 aamma 5 naapertorlugit akileraarutitigut nalikilliliissutinik ilanngariikkat affaattut annertutigisumik ilasat.

Imm. 2. Ukiumi ataatsimi akileraarutitigut nalikilliliissutigineqarsinnaasut annerpaaffissaat imaapput:

- a) Illuutit atortullu ikkussorneqarsimasut il.il. pissarsiarineqarneranni nalingisa ukiumut 5 procentiat tikillugu.
- b) Umiarsuit timmisartullu pissarsiarineqarneranni nalingisa ukiumut 10 procentiat tikillugu.
- c) Aningaasartuutit il.il. imaluunniit ingerlatsinermut atortut, pequtit aammalu pigisat tigussaasuungitsut il.il. pissarsiarineqarneranni nalingi nalikillilerneqarsinnaasut, ukiup aningaasarsiorfiusup naanerani nalingisa nalikillilerneqarsinnaasut 30 procentiat tikillugu nalikillilerneqarsinnaapput.
- d) Pigisanut litra c-mi taaneqartunut aningaasartuutit imaluunniit pissarsiarineqarneranni nalingisa ukiumut 100 procentiat tikillugu, pigisanut ataasiakkaanut aningaasartuutit imaluunniit pissarsiarineqarneranni nalingi 100.000 kr.-iuppata taakkualuunniit inorpatigit.

Imm. 3. Aningaasartuutit imaluunniit pigisat il.il. imm. 2-mi litra c-mi d-milu taaneqartut nalikillilerneqarsinnaasut ataatsimut kontulerlugit selskabit naatsorsortassavaat. Ukiup aningaasarsiorfiusup naanerani nalikilliliissutigineqarsinnaasut nalingi tunngavigalugit ukiumi nalikilliliinerit pisassapput. Nalingat taanna tassaassaaq, ukiup aningaasarsiorfiusup aallartinnerani nalingat ukiumi aningaasarsiorfiusumi ingerlatsinermut atortunut il.il. aningaasartuutit imaluunniit pissarsiarineqarneranni nalinginik ilasaq, kiisalu ingerlatsinermut atortut il.il. ukiumi aningaasarsiorfiusumi tunineqartut tunineqarneranni nalinginik aammalu imm. 2-mi litra d naapertorlugu nalikilliliissutinik ilanngagaq. Pitsannngorsaanermut aningaasartuutit, pissarsiarineqarneranni nalingisa pineqarnerattut pineqassapput. Ukiup aallartinnerani nalingat tassaavoq, ingerlatsinermut atortunut il.il. aningaasartuutit imaluunniit pissarsiarineqarneranni

nalingisa ukiuni aningaasarsiorfiusuni siusinnerusuni nalikillilerneqareernermikkut naligilersimasaat.

Imm. 4. Pigisat il.il. imm. 2-mi litra c-mi d-milu taaneqartut tunineqarnerisigut naligilersimasaat nalikillilerneqarsinnaasoq qimmorneqarpat, taava iluanaarutinngortut ukiumi aningaasarsiorfiusumi tassani isertitatut nalunaarneqassapput.

Imm. 5. Imm. 2-mili maleruagassiaq apeqqutaatinnagu, selskabip il.il. akileraarutitigut nalikilliliissutigisinnaavai pigisanik nalikillilerneqarsinnaasunik imm. 2-mi litra a-mi b-milu taaneqartunik tunisinermi iluanaarutit akileraaruteqaataasussat naatsorsorneqarsimasut annertoqataat. Aningaasarsiat akileraaruteqaataasussat matuma kingorna amigartoorinngorpata, taava akileraarutitigut nalikilliliissutit amigartoorutit annertoqataannik appartinneqassapput.

§ 27. Illuutit atortullu ikkussorneqarsimasut il.il. immikkut nalikillilerneqassapput, illuutit atortullu taakkununga ikkussorneqarsimasut il.il. ataasiakkaarlugit. Illuutit il.il. tunineqarpat, ukiumi tunineqarfiani nalikilliliisoqarsinnaanngilaq.

§ 28. Illuut pissarsiarineqarnerani nalingata ilaanit nalikillilerneqarsimannigsumit qaffasinnerusumik akilersillugu tunineqarpat, iluanaarutit ukiumi tunineqarfiani aningaasarsianut akileraaruteqaataasussanut ilanngunneqassapput.

Imm. 2. Illuut pissarsiarineqarnerani nalingata ilaanit nalikillilerneqarsimannigsumit minnerusumik akilersillugu tunineqarpat, ajunaarutit ukiumi tunineqarfiani aningaasarsianit akileraaruteqaataasussanut ilanngaaticineqarsinnaapput.

Imm. 3. Tamakkiisumik nalikilliliisoqariannigisooq illuut isaterneqarpat, nalinga suli nalikilliliissutaasimannigisooq, isaternerlukut il.il. tunineqassappata akiannik ilanngarlugu ukiumi isaterneqarfiani aningaasarsianit akileraaruteqaataasussanut ilanngaaticineqarsinnaavoq.

§ 29. Umiarsuit timmisartullu immikkut nalikillilerneqassapput, umiarsuit timmisartullu ataasiakkaarlugit. Umiarsuit imaluunniit timmisartut tunineqassappata, ukiumi tunineqarfiani nalikilliliisoqarsinnaanngilaq.

§ 30. Umiarsuaq timmisartorluunniit pissarsiarineqarnerani nalingata ilaanit nalikillilerneqarsimannigsumit qaffasinnerusumik akilersillugu tunineqarpat, iluanaarutit ukiumi tunineqarfiani aningaasarsianut akileraaruteqaataasussanut ilanngunneqassapput.

Imm. 2. Umiarsuaq timmisartorluunniit pissarsiarineqarnerani nalingata ilaanit nalikillilerneqarsimannigsumit minnerusumik akilersillugu tunineqarpat, ajunaarutit ukiumi tunineqarfiani aningaasarsianit akileraaruteqaataasussanut ilanngaaticineqarsinnaapput.

§ 31. Maskiinat, pequtit ingerlatsinermullu atortut assigisaat, ininik attartukkanik sanaqqiineq, pigisap pioreersup pitsaaqutaa (goodwill), aalisagartassanut akuersissutit, piffissami kililimmi pisinnaatitaaffiit aamma atortut ikkussuutat kinguliini taagorneqarput ingerlatsinermut atortut.

Imm. 2. Ukiumi aningaasarsiorfiusumi nalikilliliissutigineqartunut tunngaviussapput ukiup aningaasarsiorfiusup naanerani nalikilliliissutigineqarsinnaasut nalingi. Nalingat taanna tassaassaaq, ukiup aningaasarsiorfiusup aallartinnerani nalingat ukiumi aningaasarsiorfiusumi ingerlatsinermut atortut pissarsiarineqarneranni nalinginik ilasaq, kiisalu ingerlatsinermut atortut ukiup aningaasarsiorfiusup ingerlanerani tunineqartut tunineqarneranni nalinginik aammalu § 26, imm. 2, litra d naapertorlugu ukiumi nalikilliliissutinik ilanngagaq. Ukiup aallartinnerani nalingat tassaavoq, ingerlatsinermut atortunut aningaasartuutit ukiuni aningaasarsiorfiusuni siusinnerusuni nalikillilerneqareernermikkut naligilersimasaat.

Paasissutissiisussaatitaaneq

§ 32. Selskabit il.il. ingerlatsinermut naatsorsuutini nammineerluni nalunaarsuiffimmut ilanngunneqartuni illuutit, umiarsuit aamma timmisartut ataasiakkaat pillugit makku paasissutissiisutigissavaat:

- 1) Ukioq pissarsiarineqarfiat.
- 2) Piffissaq pissarsiarineqarfiat.
- 3) Pissarsiarineqarneranni nalingat.
- 4) Ukiuni aningaasarsiorfiusuni siusinnerusuni nalikilliliissutaasimasut.
- 5) § 26, imm. 2, litra a aamma b naapertorlugit ukiumi aningaasarsiorfiusumi matumani nalikilliliinerit.
- 6) § 26, imm. 5 naapertorlugu ukiumi aningaasarsiorfiusumi matumani nalikilliliinerit.
- 7) § 26, imm. 1 naapertorlugu ukiumi aningaasarsiorfiusumi matumani nalikilliliinerit.

Atortuulerfia

§ 33. Nalunaarut 1. januar 2007-imi atuutilissaaq.
Ilutigitillugu Namminersornerullutik Oqartussat akileraartarnermut nalikilliliisarnerit il.il pillugit nalunaarutaat nr. 44, 20. december 2001-imeersoq atorunnaarsinneqarpoq

Namminersornerullutik Oqartussat, ulloq 1. december 2006

Josef Motzfeldt

/

Kaare Hagemann